



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

16.03.2023

158-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti TDYU va Grodno davlat universiteti qo'shma ta'lim dasturi 3-kurs talabalari dekanat tomonidan bir necha bor ogohlantirish berilgan bo'lishiga qaramasdan belgilangan kiyinish va tashqi ko'rinishga oid qoidalarga zid ravishda, xususan G'aniyev Bekzodjon Zoidjon o'g'li universitetga rangli katakchali ko'ylak kiyib, soqoli o'sgan holda kelgan, Norqulov Farrux Nodirbek o'g'li universitetga qora rangli ko'ylak kiyib, soqoli o'sgan holda kelgan va fakultetning 1-kurs talabasi Otajonov Oybek Odilovich universitetga qora rangli ko'ylakda kelgan.

Bundan tashqari, fakultetning 3-kurs talabasi Xasanov Xakimjon Ne'matjon o'g'li va 1-kurs talabasi Erkinov Otabek Ulug'bek o'g'li universitet Odob-axloq kodeksi qoidalari bilan tanishtirilgan bo'lishlariga qaramasdan universitet hududida tamaki mahsulotni iste'mol qilgan.

Talabalar mazkur harakatlari bilan universitet Odob-axloq kodeksi 11-moddasi to'rtinchi qismi (universitet xodimi, talabasi va doktoranti bo'lgan erkaklar oq, havorang, och jigar rang yoki och kulrang ko'ylakda, klassik uslubdagi shim yoki odmi kostyum, va to'q rangdagi poyabzalda kelishlari lozim. Bunda, talabalar o'zlari bilan zaruriy o'quv vositalarini olib kelishlari shart) hamda 16-moddasining birinchi qismi yettinchi xatboshisi (universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish, tashqi ko'rinishga va ushbu Kodeksda belgilangan qoidalarga zid ravishda soch-soqoli o'sgan, to'zg'igan va kiyinish talabalariga rioya qilmagan holda kelish)

talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksi 11-moddasi to'rtinchi qismi hamda 16-moddasining birinchi qismi yettinchi xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga asosan

### **BUYURAMAN:**

1.Universitet Odob-axloq kodeksi 11-moddasi to'rtinchi qismi hamda 16-moddasining birinchi qismi yettinchi xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti TDYU va Grodno davlat universiteti qo'shma ta'lim dasturi 3-kurs talabalari G'aniyev Bekzodjon Zoidjon o'g'li, Norqulov Farrux Nodirbek o'g'li hamda fakultetning 3-kurs talabasi Xasanov Xakimjon Ne'matjon o'g'li, fakultetning 1-kurs talabalari Erkinov Otabek Ulug'bek o'g'li va Otajonov Oybek Odilovichga hayfsan e'lon qilinsin.

2. Fakulteti dekani (D.Umarxanova):

ushbu buyruq bilan barcha talabalarni tanishtirsin;

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

3.Fakultet dekanlari (Sh.Saydullaev, D.Umarxanova, B.Musayev, D.Kamalova, A.Babadjanov) 3 kun muddatda mazkur buyruq bilan qo'llanilgan intizomiy jazo chorasini talabalar shaxsini sir saqlagan holda talabalar o'rtasida shu kabi holatlar takroran yuzaga kelmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralari ko'rsin.

4.Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



yuriskonsult

D.ALIBOYEV

